
Musint sava čiesa nebnotversio –
Dēinas kāp jieratē lonkuoms lek!..
Tik apēnt sau pērštus prēsēversio –
Zuovēstē ēškrētē gondēn: „Nēk!..“

Saulē žemē senē ritiniejes...
Tiktā sīluos pasēgautē nie.
Dongos, lig pat taka priartiejēs,
Tīvoliou opalie vondinie.

Tuoks tas sviest – atkonda ēr ēšspjuovē...
A par vēsa omžio vēn tas pats?!
Jug rūpesnē linksmomus noruovē –
Ēr pakajou jau nodegints knats!..

Bet ēr viel alsou i kopra naktēs...
Rasint rītuo dēina nemalous –
Lēs nuors maža skīlē prasēraktē
Tēn, kor sapnie savi vēn vedous?..